

BAB 4 : DAPATAN KAJIAN

4.0 Pengenalan

Di dalam bab 3 penulis telah menghuraikan kesemua 49 item soalan dari senarai soalan soal-selidik yang diberikan kepada responden. Dalam bab ini pula, penulis akan menerangkan hasil dapatan daripada jawapan responden dari soal-selidik yang diberi.


4.1 Bahasa Pertama Responden

Responden dari kumpulan umur 70-89 dan kumpulan umur 50-69 menunjukkan 100% menggunakan bahasa Bugis sebagai bahasa pertama. Hanya 3.3% sahaja jumlah responden dari kumpulan umur 30-49 yang menuturkan bahasa Melayu sebagai bahasa pertama dan 96.7% menggunakan bahasa Bugis. Perubahan atau penolakan dari penggunaan bahasa Bugis nyata sekali bagi responden dari kumpulan 13-29 kerana penggunaan bahasa Melayu sebagai bahasa pertama menunjukkan 93.3% berbanding hanya 6.7% yang menggunakan bahasa Bugis. Ini jelas menunjukkan penolakan ketara penggunaan bahasa Bugis sebagai bahasa pertama merentasi umur (Sila lihat Jadual 4.1 dan Rajah 4.1).

Jadual 4.1 : Bahasa Pertama Responden

	Umur	Bahasa Pertama		Jumlah
		B.Melayu	B.Bugis	
	70 - 89	0 .0%	10 100.0%	10 100.0%
	50 - 69	0 .0%	30 100%	30 100.0%
	30 - 49	1 3.3%	29 96.7%	30 100.0%
	13 - 29	28 93.3%	2 6.7%	30 100.0%
Jumlah		29 29.0%	71 71.0%	100 100.0%

Rajah 4.1 : Bahasa Pertama Responden



4.2 Penggunaan Bahasa di domain Rumah


4.2.1 Bahasa yang digunakan di rumah dengan suami/isteri

Data menunjukkan penggunaan bahasa Bugis di kalangan suami-isteri semakin menurun iaitu 88.9% kumpulan umur 70-89, 59.3% kumpulan umur 50-69, 3.4% kumpulan umur 30-49. Bagaimanapun, responden dari kumpulan umur 13-29 yang sudah berkahwin, iaitu seramai 6 orang, menunjukkan semua pasangan menggunakan 100% bahasa Melayu (Sila lihat Jadual 4.2 dan Rajah 4.2).

Jadual 4.2: Bahasa Pertuturan di Rumah dengan Suami-isteri

		Bah. Pertuturan Di Rumah Dgn Suami/Isteri				Jumlah
		B Melayu	B Bugis	B Melayu + B Bugis	B Melayu + B Inggeris	
Umur	70-89	1 11.1%	8 88.9%	0 .0%	0 .0%	9 100.0%
	50-69	2 7.4%	16 59.3%	9 33.3%	0 .0%	27 100.0%
	30-49	19 65.5%	1 3.4%	7 24.1%	2 6.9%	29 100.0%
	13-29	6 100.0%	0 .0%	0 .0%	0 .0%	6 100.0%
Jumlah		28 39.4%	25 35.2%	16 22.5%	2 2.8%	71 100.0%

Rajah 4.2: Bahasa Pertuturan di Rumah dengan Suami-isteri



4.2.2 Bahasa yang digunakan dengan anak-anak


Data menunjukkan dari kumpulan umur 70-89, seramai 70% responden menggunakan bahasa Bugis dengan anak-anak dan 30% responden menggunakan bahasa Melayu dan bahasa Bugis. Dalam kumpulan umur 50-69, penggunaan bahasa Bugis oleh responden dengan anak-anak semakin berkurangan iaitu hanya 14.3% responden yang menggunakan bahasa Bugis. Responden yang menggunakan bahasa Melayu ialah 17.9% dan peningkatan sekali ganda penggunaan bahasa Melayu dan bahasa Bugis oleh responden iaitu 67.9%. Dalam kumpulan umur 30-49 penggunaan bahasa Bugis semakin berkurangan iaitu 3.6%. Responden yang menggunakan bahasa Melayu dan bahasa Inggeris mencatatkan peratusan yang sama iaitu 3.6%. Penggunaan bahasa Melayu oleh responden dengan anak-anak semakin meningkat iaitu 75%. Responden yang menggunakan bahasa Melayu dan Bugis dengan anak-anak semakin menurun iaitu 17.9%.

Dalam kumpulan umur 13-29 pula iaitu seramai 5 orang responden yang sudah berkahwin dan mempunyai anak mengatakan mereka menggunakan bahasa Melayu sepenuhnya dengan anak-anak mereka di rumah (100% responden menggunakan bahasa Melayu). (Sila lihat Jadual 4.3 dan Rajah 4.3).

Jadual 4.3 : Bahasa Pertuturan di Rumah dengan Anak-anak

		Bah. Pertuturan Di Rumah Dgn Anak-Anak				Jumlah
		B Melayu	Bugis	B Melayu + B Bugis	B Melayu + B Inggeris	
Umur	70-89	0 .0%	7 70.0%	3 30.0%	0 .0%	10 100.0%
	50-69	5 17.9%	4 14.3%	19 67.9%	0 .0%	28 100.0%
	30-49	21 75.0%	1 3.6%	5 17.9%	1 3.6%	28 100.0%
	13-29	5 100.0%	0 .0%	0 .0%	0 .0%	5 100.0%
Jumlah		31 43.7%	12 16.9%	27 38.0%	1 1.4%	71 100.0%

Rajah 4.3 : Bahasa Pertuturan di Rumah dengan Anak-anak



4.2.3 Bahasa yang digunakan dengan Iubapa


Kesemua responden berumur 70-89 tidak menjawab soalan ini dan hanya mengatakan sudah tidak mempunyai ibu bapa. Dalam kumpulan umur 50-69, semua responden iaitu 100% responden menggunakan bahasa Bugis dengan kedua ibu bapa mereka. Dalam kumpulan umur 30-49, responden yang menggunakan bahasa Bugis dengan kedua bapa mereka semakin berkurangan (43.3%) dan responden yang menggunakan bahasa Melayu sahaja mencatatkan 23.3% manakala responden yang menggunakan kedua-dua bahasa iaitu bahasa Melayu dan bahasa Bugis adalah 33.3%. Bagi kategori umur 13-29, responden

yang menggunakan bahasa Melayu sepenuhnya mencatatkan peratusan yang tertinggi iaitu 43.3% diikuti dengan penggunaan bahasa Melayu dan bahasa Bugis oleh responden iaitu 36.7%. Manakala responden yang menggunakan bahasa Bugis sahaja hanya 6.7% sama dengan peratusan responden yang menggunakan bahasa Melayu dan bahasa Inggeris dan responden yang menggunakan bahasa Bugis, bahasa Melayu dan bahasa Inggeris (Sila lihat Jadual 4.4 dan Rajah 4.4).

Jadual 4.4 : Bahasa Pertuturan di Rumah dengan Ibubapa

		Bahasa Pertuturan Di Rumah Dengan Ibubapa					Jumlah
		B Melayu	Bugis	B Melayu + B Bugis	B Melayu + B Inggeris	B Melayu + B Bugis+ B Inggeris	
Umur	50 - 69	0 .0%	6 100.0%	0 .0%	0 .0%	0 .0%	6 100.0%
	30 - 49	7 23.3%	13 43.3%	10 33.3%	0 .0%	0 .0%	30 100.0%
	13 - 29	13 43.3%	2 6.7%	11 36.7%	2 6.7%	2 6.7%	30 100.0%
Jumlah		19 28.8%	21 31.8%	21 31.8%	2 3.0%	2 3.0%	66 100.0%

Rajah 4.4 : Bahasa Pertuturan di Rumah dengan Ibubapa



4.2.4 Bahasa yang digunakan dengan Nenek/Datuk


Berdasarkan graf, bahasa pertuturan yang digunakan oleh responden dengan datuk dan nenek dalam kategori umur 70-89 menunjukkan 100% penggunaan bahasa Bugis. Dalam kategori umur 50-69, 90.9 % responden menggunakan bahasa Bugis dan 9.1% sahaja dari kalangan responden yang menggunakan bahasa Bugis dan bahasa Melayu. Dalam kategori

umur 30-49, responden yang menuturkan bahasa Bugis menurun iaitu 65%, 25% dari responden menggunakan bahasa Bugis dan bahasa Melayu dengan datuk nenek mereka dan 10% responden menggunakan bahasa Melayu. Dalam kategori umur 13-29, tidak ada responden yang menggunakan bahasa Bugis sepenuhnya dengan datuk dan nenek mereka. Didapati 46.7% responden menggunakan bahasa Bugis bercampur dengan bahasa Melayu manakala 53.3% responden menggunakan bahasa Melayu sepenuhnya dengan datuk dan nenek mereka (Sila lihat Jadual 4.5 dan Rajah 4.5).

Jadual 4.5 : Bahasa Pertuturan di Rumah dengan Nenek/Datuk

		Bahasa Pertuturan Di Rumah Dengan Nenek/Datuk			Jumlah
		B Melayu	B Bugis	B Melayu + B Bugis	
Umur	70-89	0 .0%	1 100.0%	0 .0%	1 100.0%
	50-69	0 .0%	10 90.9%	1 9.1%	11 100.0%
	30-49	2 10.0%	13 65.0%	5 25.0%	20 100.0%
	13-29	8 53.3%	0 .0%	7 46.7%	15 100.0%
Jumlah		10 21.3%	24 51.1%	13 27.7%	47 100.0%

Rajah 4.5 : Bahasa Pertuturan di Rumah dengan Nenek/Datuk




4.2.5 Bahasa yang digunakan dengan Adik-beradik

Rajah 4.6 menunjukkan bahawa bahasa pertuturan di rumah oleh semua responden dengan adik-beradik dalam kategori umur 70-89 adalah bahasa Bugis (100%). Dalam kategori umur 50-69, responden yang menggunakan bahasa Bugis adalah seramai 74.1% manakala 25.9% menggunakan bahasa Bugis dan bahasa Melayu. Bagi kategori umur 30-49, penggunaan bahasa Bugis turun mendadak kepada 4%, sementara 20% responden menggunakan bahasa Melayu dan Bugis. Responden cenderung menggunakan bahasa Melayu iaitu seramai 76%. Dalam kategori 13-29, bilangan responden menggunakan bahasa Melayu dengan adik-beradik mencatatkan peratusan tertinggi iaitu 91.7% berbanding dengan penggunaan bahasa Melayu dan bahasa Bugis serta bahasa Melayu dan bahasa Inggeris masing-masing mencatatkan 4.2% (Sila lihat Jadual 4.6 dan Rajah 4.6).

Jadual 4.6 : Bahasa Pertuturan di Rumah dengan Adik-beradik

		Bahasa Pertuturan Di Rumah Dengan Adik-Beradik				Jumlah
		B Melayu	B Bugis	B Melayu + B Bugis	B Melayu + B Inggeris	
Umur	70-89	0	8	0	0	8
		.0%	100.0%	.0%	.0%	100.0%
	50-69	0	20	7	0	27
		.0%	74.1%	25.9%	.0%	100.0%
	30-49	19	1	5	0	25
		76.0%	4.0%	20.0%	.0%	100.0%
	13-29	22	0	1	1	24
		91.7%	.0%	4.2%	4.2%	100.0%
Jumlah		41	29	13	1	84
		48.8%	34.5%	15.5%	1.2%	100.0%

Rajah 4.6 : Bahasa Pertuturan di Rumah dengan Adik-beradik



4.2.6 Bahasa yang digunakan dengan Bapa/Ibu saudara


Berdasarkan data, responden yang menggunakan bahasa Bugis sepenuhnya dengan ibu dan bapa saudara mereka di rumah dalam kumpulan umur 70-89 mencatatkan 100%. Bagi kategori umur 50-69, seramai 80% responden masih menggunakan bahasa Bugis, seramai 13.3% responden menggunakan bahasa Melayu dan bahasa Bugis dan seramai 6.7% menggunakan bahasa Melayu. Bagi kategori umur 30-49 pula, responden yang menggunakan bahasa Bugis dengan ibu atau bapa saudara mereka adalah 43.3%, manakala responden yang beralih menggunakan bahasa Melayu adalah 26.7% dan responden yang menggunakan bahasa Bugis dan Melayu adalah 30%. Bagi kategori generasi muda iaitu

lingkungan umur 13-29, responden yang menggunakan bahasa Melayu sepenuhnya mencatatkan peratusan tertinggi iaitu 58.6%, sementara hanya 3.4% responden yang menggunakan bahasa Bugis dan 37.9% responden menggunakan bahasa Bugis dan bahasa Melayu (Sila lihat Jadual 4.7 dan Rajah 4.7).

Jadual 4.7 : Bahasa Pertuturan di Rumah dengan Bapa/Ibu saudara

		Bahasa Pertuturan Di Rumah Dengan Bapa/Ibu Saudara			Jumlah
		B Melayu	B Bugis	B Melayu + B Bugis	
Umur	70-89	0 .0%	8 100.0%	0 .0%	8 100.0%
	50-69	2 6.7%	24 80.0%	4 13.3%	30 100.0%
	30-49	8 26.7%	13 43.3%	9 30.0%	30 100.0%
	13-29	17 58.6%	1 3.4%	11 37.9%	29 100.0%
Jumlah		27 27.8%	46 47.4%	24 24.7%	97 100.0%

Rajah 4.7 : Bahasa Pertuturan di Rumah dengan Bapa/Ibu saudara



4.2.7 Bahasa yang digunakan dengan Ahli keluarga dan Saudara- Mara


Tinjauan dari segi penggunaan bahasa Bugis di kalangan keluarga dan saudara-mara jelas menunjukkan penarikan diri dari penggunaan bahasa etnik dalam kumpulan umur 30-49 dan kumpulan umur 13-29. Pengalihan bahasa sudah bermula dari kumpulan umur 70-89

iaitu menggunakan bahasa Melayu dengan isteri mereka dan menggunakan kedua-dua bahasa iaitu bahasa Melayu dan Bugis dengan anak-anak mereka. 88.9% penggunaan bahasa Bugis di antara suami-isteri dan 70% penggunaan bahasa Bugis dengan anak-anak. Dalam kumpulan umur 13-29 hanya 6.7% dari responden yang menggunakan bahasa Bugis dengan ibu bapa mereka dan 3.4% dari responden yang menggunakan bahasa Bugis dengan ibu atau bapa saudara mereka. Sudah tidak ada responden yang menggunakan bahasa Bugis dengan datuk dan nenek mereka atau adik-beradik mereka kerana semuanya sudah beralih kepada bahasa Melayu. Bagi responden yang sudah berkahwin pula sudah tidak ada dari kalangan mereka yang menggunakan bahasa Bugis dengan pasangan mereka dan anak-anak mereka (Sila lihat Jadual 4.8 dan Rajah 4.8).

Jadual 4.8 : Penggunaan Bahasa Bugis di kalangan ahli keluarga di rumah

Kumpulan Umur	Suami-isteri	Anak-anak	Ibu-bapa	Adik-beradik	Datuk-nenek	Ibu/Bapa Saudara
70-89%	88.9%	70%	100%	100%	100%	100%
50-69%	59.3%	14.3%	100%	74.1%	90.9%	80%
30-49%	3.4%	3.6%	43.3%	4%	65%	43.3%
13-29%	0 %	0%	6.7%	0%	0%	3.4%

Rajah 4.8: Penggunaan Bahasa Bugis di kalangan ahli keluarga di rumah




4.3 Penggunaan Bahasa dalam Domain Pekerjaan

Dalam domain pekerjaan iaitu di tempat kerja bagi kategori umur 70-89, hanya seorang sahaja responden yang bekerja sendiri dan pekerjaanya adalah merupakan anaknya sendiri (ayah dan anak lelaki bekerja sendiri di ladang kelapa dan kelapa sawit) bahasa yang dituturkan adalah bahasa Bugis dan bahasa Melayu dan bahasa dominan yang digunakan adalah bahasa Melayu. Bagi kategori umur 50-69, terdapat 50% responden yang menggunakan bahasa Melayu dengan pekerjaanya, 8.3% responden menggunakan bahasa Bugis dan 41.7% responden menggunakan bahasa Bugis dan Melayu. Bagi kategori umur 30-49, 100% responden menggunakan bahasa Melayu. Begitu juga dengan kategori umur 13-29, 100 % responden yang bekerja menggunakan bahasa Melayu dengan pekerjaanya (Sila lihat Jadual 4.9 dan Rajah 4.9).

Jadual 4.9 : Bahasa yang digunakan di tempat kerja dengan pekerja

	Bahasa Di Tempat Kerja Dgn Pekerja			Jumlah
	B Melayu	Bugis	B Melayu + B Bugis	
Umur 70-89	0 .0%	0 .0%	1 100.0%	1 100.0%
50-69	6 50.0%	1 8.3%	5 41.7%	12 100.0%
30-49	3 100.0%	0 .0%	0 .0%	3 100.0%
13-29	2 100.0%	0 .0%	0 .0%	2 100.0%
Jumlah	11 61.1%	1 5.6%	6 33.3%	18 100.0%

Rajah 4.9 : Bahasa yang digunakan di Tempat Kerja dengan pekerja




4.3.1 Bahasa di Tempat Kerja dengan Rakan Sekerja

100% responden dari kumpulan umur 70-89 menggunakan bahasa Melayu dan bahasa Bugis. Di sini hanya seorang pekerja yang bekerja dengan anaknya sendiri dan bahasa dominan yang digunakan adalah bahasa Melayu. Dalam kumpulan umur 50-69, 78.6% daripada responden menggunakan bahasa Melayu dan 21.4% menggunakan bahasa Melayu dan Bugis. Bagi kategori umur 30-49, responden yang menggunakan bahasa Melayu adalah 88.5%, manakala bahasa Bugis, bahasa Inggeris dan bahasa Melayu dan Inggeris masing-masing mencatatkan peratusan yang sama iaitu 3.8%. Dalam kumpulan umur 13-29, responden yang bekerja menggunakan bahasa Melayu adalah seramai 71.4% dan 28.6% menggunakan bahasa Inggeris. Ini menunjukkan bahasa Melayu lebih digunakan di domain kerja (Sila lihat Jadual 4.10 dan Rajah 4.10).

Jadual 4.10 : Bahasa Di tempat Kerja Dengan Rakan Sekerja

		Bahasa Di Tempat Kerja, Rakan Sekerja					Jumlah
		B Melayu	Bugis	B Inggeris	B Melayu + B Bugis	B Melayu + B Inggeris	
Umur	70 - 89	0 .0%	1 100.0%	0 .0%	0 .0%	0 .0%	1 100.0%
	50 - 69	11 78.6%	0 .0%	0 .0%	3 21.4%	0 .0%	14 100.0%
	30 - 49	23 88.5%	1 3.8%	1 3.8%	0 .0%	1 3.8%	26 100.0%
	13 - 29	10 71.4%	0 .0%	0 .0%	0 .0%	4 28.6%	14 100.0%
Jumlah		44 80.0%	2 2.6%	1 1.8%	3 5.5%	5 9.1%	55 100.0%

Rajah 4.10 : Bahasa Di Tempat Kerja Dengan Rakan Sekerja



4.3.2 Bahasa di Tempat Kerja Dengan Rakan Bugis


Bagi kategori umur 70-89, 100% responden menggunakan bahasa Bugis. Bagi kategori umur 50-69, seramai 92.9% responden menggunakan bahasa Bugis dan 7.1% yang menggunakan bahasa Melayu. Bagi kategori umur 30-49, responden yang menggunakan bahasa Bugis iaitu 36% sama dengan responden yang menggunakan bahasa Melayu dan Bugis, dan bahasa Melayu 28%. Manakala bagi kategori 13-29, daripada 14 orang yang

bekerja 71.4% menggunakan bahasa Melayu, 21.4% menggunakan bahasa Melayu dan Bugis manakala responden yang menggunakan Bugis hanya 7.1% sahaja. Ini menunjukkan dalam kategori umur 13-29 hanya seorang pekerja yang menggunakan bahasa Bugis sepenuhnya di mana responden masih boleh menggunakan bahasa Bugis dan akan berkomunikasi dengan rakan-rakan Bugisnya yang sama-sama bekerja di sebuah kilang (Sila lihat Jadual 4.11 dan Rajah 4.11).

Jadual 4.11: Bahasa di tempat Kerja dengan Rakan Bugis

		Bahasa Di Tempat Kerja Dengan Rakan Bugis			Jumlah
		B Melayu	Bugis	B Melayu + B Bugis	
Umur	70-89	0 .0%	1 100.0%	0 .0%	1 100.0%
	50-69	1 7.1%	13 92.9%	0 .0%	14 100.0%
	30-49	7 28.0%	9 36.0%	9 36.0%	25 100.0%
	13-29	10 71.4%	1 7.1%	3 21.4%	14 100.0%
Jumlah		18 33.3%	24 44.4%	12 22.2%	54 100.0%

Rajah 4.11 : Bahasa Di tempat Kerja Dengan Rakan Bugis



4.4 Pengurangan Penggunaan Bugis dalam Fungsi-fungsi Bahasa yang Spesifik

Berdasarkan rajah 4.13, 4.14, 4.15 pengurangan penggunaan bahasa Bugis dalam fungsi-fungsi bahasa yang tertentu adalah merentasi generasi dan umur.

4.4.1 Bahasa Ketika Berdoa

Pengkaji mendapati 100% responden mengatakan mereka menggunakan bahasa Arab ketika berdoa iaitu doa-doa selepas sembahyang dan doa-doa seharian seperti doa makan, doa sebelum tidur, doa sebelum memulakan perjalanan dan sebagainya. Segala bacaan semasa mengerjakan sembahyang juga adalah menggunakan bahasa Arab sepenuhnya. Bahasa Arab adalah dihubungkan dengan agama Islam di mana semua bacaan di dalam sembahyang dan doa-doa ditulis dalam bahasa Arab. Begitu juga ayat-ayat al Quran ditulis dalam bahasa Arab. Penulis juga mendapati kitab-kitab lama yang skripnya ditulis dalam bahasa Bugis. Doa-doa ditulis dalam bahasa Arab manakala penerangannya atau terjemahannya ditulis dalam bahasa Bugis. Biasanya keluarga dari komuniti Bugis akan memastikan anak mereka belajar membaca al Quran dengan mengajar sendiri anak mereka atau menghantar ke rumah jiran yang boleh membaca Quran dengan baik.

4.4.2 Bahasa Ketika Marah


Dalam kategori umur 70-89, 90% responden menggunakan bahasa Bugis ketika marah dan 10% yang menggunakan bahasa Melayu dan Bugis. Dalam kategori umur 50-69 responden yang menggunakan bahasa Bugis menurun sehingga 37.9%. Didapati 48.3% responden menggunakan bahasa Melayu dan Bugis. Manakala penggunaan bahasa Melayu oleh responden hanyalah 13.8% sahaja. Dalam kategori umur 30-49 pula, hanya 6.7% sahaja

responden yang menggunakan bahasa Bugis, dengan peningkatan kepada penggunaan bahasa Melayu iaitu 53.3% sementara 36.7% menggunakan bahasa Melayu dan Bugis. Terdapat 3.3% responden yang menggunakan bahasa Melayu dan bahasa Inggeris ketika marah. Bagi kategori umur 13-29, hanya 3.3% menggunakan bahasa Bugis, 66.7% menggunakan bahasa Melayu, 6.7% menggunakan bahasa Melayu dan bahasa Bugis, 23.3% menggunakan bahasa Melayu dan bahasa Inggeris (Sila lihat Jadual 4.12 dan Rajah 4.12).

Jadual 4.12: Bahasa Ketika Marah

		Bahasa Ketika Marah				Jumlah
		B Bugis	B Melayu	B Melayu + B Bugis	B Melayu + B Inggeris	
Umur	70-89	9 90.0%	0 .0%	1 10.0%	0 .0%	10 100.0%
	50-69	11 37.9%	4 13.8%	14 48.3%	0 .0%	29 100.0%
	30-49	2 6.7%	16 53.3%	11 36.7%	1 3.3%	30 100.0%
	13-29	1 3.3%	20 66.7%	2 6.7%	7 23.3%	30 100.0%
Jumlah		23 23.2%	40 40.4%	28 28.3%	8 8.1%	99 100.0%

Rajah 4.12 : Bahasa Ketika Marah




4.4.3 Menyatakan Sayang

Bagi kategori umur 70-89, seramai 60% responden menyatakan rasa sayang dengan menggunakan bahasa Bugis dan 40% responden menggunakan bahasa Melayu dan Bugis. Bagi kategori umur 50-69, responden yang menggunakan bahasa Bugis berkurangan kepada 31% dan sebaliknya menunjukkan peningkatan kepada penggunaan bahasa Melayu dan bahasa Bugis iaitu 51.7%, penggunaan bahasa Melayu 13.8% dan bahasa Inggeris sebanyak 3.4%. Bagi kategori umur 30-49, penggunaan bahasa Melayu ketika menyatakan sayang meningkat kepada 73.3% manakala penggunaan bahasa Bugis semakin menurun iaitu hanya 6.7%. Penggunaan bahasa Melayu dan Bugis adalah 10%, bahasa Inggeris adalah 3.3%, bahasa Melayu dan bahasa Inggeris 6.7% sama dengan penggunaan bahasa Bugis. Bagi kategori umur 13-29, pengalihan bahasa Bugis berlaku kerana tiada seorang responden pun yang menggunakan Bugis ketika menyatakan sayang. Bahasa Melayu telah mengambil alih bahasa etnik dengan mencatatkan peratusan tertinggi iaitu 50% diikuti dengan bahasa Melayu dan Inggeris iaitu 43.3%. Seterusnya yang menggunakan bahasa Inggeris iaitu 6.7%. (Sila lihat Jadual 4.13 dan Rajah 4.13).

Jadual 4.13: Menyatakan Sayang

	Menyatakan Sayang					Jumlah
	B Bugis	B Melayu	B Inggeris	B Melayu + B Bugis	B Melayu + B Inggeris	
Umur 70-89	6 60.0%	0 .0%	0 .0%	4 40.0%	0 .0%	10 100.0%
50-69	9 31.0%	4 13.8%	1 3.4%	15 51.7%	0 .0%	29 100.0%
30-49	2 6.7%	22 73.3%	1 3.3%	3 10.0%	2 6.7%	30 100.0%
13-29	0 .0%	15 50.0%	2 6.7%	0 .0%	13 43.3%	30 100.0%
Jumlah	17 17.2%	41 41.4%	4 4.0%	22 22.2%	15 15.2%	99 100.0%

Rajah 4.13: Menyatakan Sayang




4.4.4 Bahasa Ketika Berdoa Dalam Hati

Bagi kategori umur 70-89, semua responden berdoa di dalam hati menggunakan bahasa Bugis (100%). Bagi kategori umur 50-69, terdapat penurunan penggunaan bahasa Bugis iaitu 65.5% kerana sebahagian daripada responden dalam kategori ini menggunakan bahasa Melayu 17.2% dan menggunakan bahasa Melayu dan Bugis iaitu dalam jumlah peratusan yang sama 17.2%. Bagi kategori umur 30-49, penurunan mendadak penggunaan bahasa Bugis oleh responden iaitu 6.7% kerana responden beralih kepada bahasa Melayu iaitu 83.3% manakala bahasa Melayu dan Inggeris digunakan oleh 10% daripada responden. Bagi kategori umur 13-29, tiada responden berdoa di dalam hati menggunakan bahasa Bugis tetapi bahasa Melayu mencatatkan peratusan tertinggi iaitu 86.7%. Selebihnya menggunakan bahasa Melayu dan Bugis iaitu 3.3% dan bahasa Melayu dan Inggeris 10%. (Sila lihat Jadual 4.14 dan Rajah 4.14).

Jadual 4.14 : Bahasa Ketika Berdoa Dalam Hati

		Bahasa Ketika Berdoa Dalam Hati				Jumlah
		B Bugis	B Melayu	B Melayu + B Bugis	B Melayu + B Inggeris	
Umur	70-89	10 100.0%	0 .0%	0 .0%	0 .0%	10 100.0%
	50-69	19 65.5%	5 17.2%	5 17.2%	0 .0%	29 100.0%
	30-49	2 6.7%	25 83.3%	3 10.0%	0 .0%	30 100.0%
	13-29	0 .0%	26 86.7%	1 3.3%	3 10.0%	30 100.0%
Jumlah		31 31.3%	56 56.6%	9 9.1%	3 3.0%	99 100.0%

Rajah 4.14 : Bahasa Ketika Berdoa Dalam Hati



4.4.5 Bahasa Ketika Berfikir


Bagi kategori umur 70-89, semua responden menggunakan bahasa Bugis ketika berfikir (100%). Bagi kategori umur 50-69, responden yang menggunakan bahasa Bugis telah menurun kepada 65.5% dan yang lainnya masing-masing menggunakan bahasa Melayu 17.2% dan bahasa Melayu dan Bugis 17.2%. Bagi kategori umur 30-49, penggunaan bahasa

Bugis menurun secara mendadak iaitu 10% kerana kebanyakan responden menggunakan bahasa Melayu iaitu 80%. 10% daripada responden yang lain menggunakan bahasa Melayu dan Bugis. Bagi kumpulan umur 13-29, tiada responden yang menggunakan bahasa Bugis ketika berfikir. 83.3% daripada responden menggunakan bahasa Melayu, hanya 3.3% menggunakan bahasa Melayu dan bahasa Bugis. Manakala 13.3% menggunakan bahasa Melayu dan bahasa Inggeris ketika berfikir (Sila lihat Jadual 4.15 dan Rajah 4.15).

Jadual 4.15 : Bahasa Ketika Berfikir

		Bahasa Ketika Berfikir				Jumlah
		B Bugis	B Melayu	B Melayu + B Bugis	B Melayu + B Inggeris	
Umur	70-89	10 100.0%	0 .0%	0 .0%	0 .0%	10 100.0%
	50-69	19 65.5%	5 17.2%	5 17.2%	0 .0%	29 100.0%
	30-49	3 10.0%	24 80.0%	3 10.0%	0 .0%	30 100.0%
	13-29	0 .0%	25 83.3%	1 3.3%	4 13.3%	30 100.0%
Jumlah		32 32.3%	54 54.5%	9 9.1%	4 4.0%	99 100.0%

Rajah 4.15 : Bahasa Ketika Berfikir



4.5 Tahap Kecekapan Bahasa Bugis

4.5.1 Membaca dalam Bahasa Bugis

Kecekapan membaca dalam bahasa Bugis menunjukkan kemerosotan yang amat ketara. Bagi responden dalam kumpulan umur 70-89, seramai 80% responden masih boleh membaca bahasa Bugis tetapi dalam kumpulan umur 50-69 peratusan menurun kepada 43.3%. Pada peringkat umur seterusnya iaitu 30-49 dan 13-29 menunjukkan 0% iaitu tidak ada seorang pun di kalangan kedua-dua kumpulan ini yang boleh membaca bahasa Bugis (Sila lihat Jadual 4.16).

Jadual 4.16 : Membaca Bahasa Bugis

Umur	Bilangan Responden	Boleh Membaca Bahasa Bugis	Peratus
70-89	10	8	80
50-69	30	13	43.3
30-49	30	0	0
13-29	30	0	0
Jumlah	100	21	21

4.5.2 Menulis dalam Bahasa Bugis

Kecekapan menulis dalam bahasa Bugis juga hanya terhad kepada golongan yang lebih tua iaitu di peringkat umur 50-89 tahun. Hasil dapatan menunjukkan bagi kategori umur 70-89, 80% boleh menulis Bugis. Bagi kategori umur 50-69, responden yang boleh menulis Bugis menurun kepada 36.7%. Dua responden yang sebelumnya hanya boleh membaca tetapi tidak boleh menulis Bugis. Bagi peringkat umur 13-29, kesemua responden didapati sudah tidak boleh menulis dalam bahasa Bugis (Sila lihat Jadual 4.17).

Jadual 4.17 : Menulis Bahasa Bugis

Umur	Bilangan Responden	Boleh Menulis Bahasa Bugis	Peratus
70-89	10	8	80
50-69	30	11	36.7
30-49	30	0	0
13-29	30	0	0
Jumlah	100	19	19

4.5.3 Berbincang Isu Semasa Dalam Bahasa Bugis

Kecekapan menggunakan bahasa Bugis dalam perbincangan isu-isu semasa di kalangan etnik Bugis semakin menurun iaitu berperingkat-peringkat mengikut kategori umur. Bagi kategori umur 70-89, 100% responden boleh berbincang isu semasa dalam bahasa Bugis. Bagi kategori umur 50-69, seramai 76.6% boleh berbincang isu semasa dalam Bugis. Bagi kategori umur 30-49, 40% daripada responden masih boleh berbincang isu semasa dalam Bugis. Bagi kategori umur 13-29, hanya 13.3% responden sahaja yang boleh berbincang isu-isu semasa dalam Bugis (Sila lihat Jadual 4.18).

Jadual 4.18 : Berbincang Isu Semasa Dalam Bugis

Umur	Bilangan Responden	Boleh Berbincang Isu Semasa Dalam B. Bugis	Peratus
70-89	10	10	100
50-69	30	23	76.6
30-49	30	12	40
13-29	30	4	13.3
Jumlah	100	49	49

4.6 Peranan Bahasa Melayu Sebagai Bahasa Pengantar di Sekolah

Penulis mendapati 100 % responden mengatakan bahasa penghantar mereka adalah bahasa Melayu di sekolah.

4.7 Persepsi dan Sikap Masyarakat Terhadap Identiti dan Bahasa Etnik Mereka

4.7.1 Bahasa Bugis Adalah Identiti kepada Orang Bugis

Soalan 36 bertujuan untuk melihat sama ada responden mempunyai kesedaran yang mereka adalah ahli di dalam kumpulan etnik Bugis. Ianya bertujuan untuk melihat hubungan di antara kesedaran terhadap identiti kumpulan etnik dan kepentingan menggunakan bahasa tersebut. Hasil dapatan menunjukkan hampir kesemua responden mengatakan bahawa bahasa Bugis adalah identiti kepada orang Bugis kecuali seorang atau 3.3% dari kumpulan umur 30-48 yang mengatakan tidak (Sila rujuk Jadual 4.19).

Jadual 4.19 : Bahasa Bugis Adalah Identiti Kepada Orang Bugis

Umur	Bilangan Responden	B. Bugis Identiti Orang Bugis	Peratus
70-89	10	10	100
50-69	30	30	100
30-49	30	29	96.7
13-29	30	30	100
Jumlah	100	99	99

4.7.2 Responden Yang Mahu Anak Mereka Belajar Bahasa Bugis

Bagi kumpulan umur 70-89, kesemua responden inginkan anak mereka mempelajari bahasa Bugis (100%). Bagi kumpulan umur 50-69, 93.36% daripada responden bersetuju anak mereka belajar bahasa Bugis. Bagi kategori umur 30-49, 96.6% responden bersetuju. Seterusnya bagi peringkat umur 13-29, 60% daripada responden bersetuju anak mereka belajar bahasa Bugis. Ini menunjukkan peratusan tinggi atau sikap yang positif terhadap bahasa etnik mereka (Sila rujuk Jadual 4.20).

Jadual 4.20 : Responden Yang Mahu Anak Mereka Belajar Bahasa Bugis

Umur	Bilangan Responden	Anak Belajar B. Bugis	Peratus
70-89	10	10	100
50-69	30	28	93.3
30-49	30	29	96.6
13-29	30	18	60
Jumlah	100	85	85

4.7.3 Responden Yang Mahu Anak Mereka Menggunakan Bahasa Bugis

Hasil dapatan menunjukkan kesemua dari kumpulan umur pertama mahu anak mereka menggunakan bahasa Bugis (100%). Seterusnya kumpulan umur 50-69, 83.3% responden ingin anak mereka menggunakan bahasa Bugis. Bagi kumpulan umur 30-49, responden yang mahu anak mereka menggunakan Bugis ialah seramai 86.6%. Bagi kumpulan umur 13-29, hanya 40% daripada responden mahukan anak mereka belajar Bugis. (Sila rujuk Jadual 4.21).

Jadual 4.21 : Responden Yang Mahu Anak Mereka Menggunakan Bugis

Umur	Bilangan Responden	Anak Guna B. Bugis	Peratus
70-89	10	10	100
50-69	30	25	83.3
30-49	30	26	86.6
13-29	30	12	40
Jumlah	100	73	73

4.7.4 Alasan Bersetuju Anak Mereka menggunakan Bugis

Berdasarkan jadual, 80% responden bersetuju anak mereka menggunakan bahasa Bugis dengan alasan supaya mereka memahami sesuatu keturunan. Responden yang memberikan alasan untuk berkomunikasi dengan datuk nenek secara lebih berkesan adalah seramai 54%

manakala alasan untuk berkomunikasi dengan ibu bapa secara lebih berkesan adalah seramai 52%. Ini menunjukkan alasan anak mereka menggunakan bahasa Bugis adalah lebih kepada mahu memahami sesuatu keturunan daripada berkomunikasi dengan lebih berkesan. (Sila rujuk Jadual 4.23 dan Rajah 4.22).

Jadual 4.22 : Alasan Bersetuju Anak Mereka menggunakan Bugis

Alasan	Bil	Peratus
Untuk Berkomunikasi Dengan Iubapa Secara Lebih Berkesan	52	52.0
Untuk Berkomunikasi Dengan Datuk Nenek Secara Lebih Berkesan	54	54.0
Untuk Memahami Sesuatu Keturunan	80	80.0

4.7.5 Bahasa Bugis Berguna

Kesemua responden dari kumpulan umur pertama bersetuju mengatakan bahasa Bugis adalah bahasa yang berguna. Begitu juga dengan kumpulan umur kedua iaitu 50-69, 100% responden mengatakan bahasa Bugis adalah bahasa yang berguna. Walaubagaimanapun peratus responden yang bersetuju bagi kategori 30-49 menurun kepada 80%. Seterusnya bagi kategori umur 13-29, 86.6% responden bersetuju mengatakan bahasa Bugis berguna (Sila rujuk Jadual 4.23).

Jadual 4.23 : Bahasa Bugis Berguna

Umur	Bilangan Responden	B. Bugis Berguna	Peratus
70-89	10	10	100
50-69	30	30	100
30-49	30	24	80
13-59	30	26	86.6
Jumlah	100	90	90

4.7.6 Alasan Mengatakan Bahasa Bugis Adalah Bahasa Yang Berguna

86 orang daripada 100 orang responden bersetuju mengatakan bahasa Bugis adalah bahasa yang berguna. Masing-masing mempunyai alasan mengapa mereka bersetuju mengatakan bahasa Bugis adalah bahasa yang berguna. Data menunjukkan 40% daripada keseluruhan responden memberikan sebab mudah berkomunikasi sesama etnik Bugis, 31% mengatakan bahawa bahasa Bugis berguna sebagai lambang atau identiti orang Bugis, 4% memberikan sebab dapat mengenali sesuatu keturunan dan bahasa, 3% daripada responden mengatakan bahasa tersebut berguna untuk membaca kitab-kitab lama yang ditulis dalam tulisan Bugis, 2% mengatakan bahasa Bugis berguna sebagai warisan nenek moyang. Manakala sebab-sebab lain hanya menunjukkan 1% sahaja di mana responden mengatakan ia berguna untuk membaca sejarah Bugis, membaca kitab agama yang ditulis dalam tulisan Bugis. Selain daripada itu 1% juga mengatakan untuk menulis surat kepada saudara-mara di Tanah Bugis, Sulawesi yang mana mereka masih menggunakan tulisan Bugis. Responden juga memberikan sebab bahasa Bugis adalah bahasa ibunda dan perlu dipelihara iaitu 1%, sebab untuk memahami bahasa Bugis juga 1% dan 1% responden juga mengatakan bahasa Bugis mempunyai kepentingan yang tersendiri. Peratus tertinggi adalah kerana ia berguna untuk berkomunikasi sesama etnik Bugis dan seterusnya sebagai lambang atau identiti bangsa Bugis (Sila rujuk Jadual 4.24).

Jadual 4.24 : Alasan Mengatakan Bahasa Bugis Adalah Bahasa Yang Berguna

Ya, Kerana	Jumlah Responden	Bil	Peratus
Baca kitab lama	100	3	3
Banyak Sejarah Bugis Di tulis Dalam Bahasa Bugis	100	1	1
Dapat Membaca Kitab Agama Dlm Bahasa Bugis	100	1	1
Ia warisan nenek moyang	100	2	2
Identiti orang Bugis	100	31	31
Mempunyai kepentingan yang tersendiri	100	1	1
Mengenali sesuatu keturunan dan bahasa	100	4	4
Mudah Berkomunikasi Sesama Bugis	100	40	40
Mudah untuk memahami bahasa bugis	100	1	1
Sebab bahasa ibunda dan perlu dipelihara	100	1	1
Untuk Menulis Surat Dalam B Bugis Kepada Saudara Mara Di Sulawesi	100	1	1
Jumlah	100	86	86

4.7.7 Tidak Bersetuju Menggunakan Bahasa Bugis dan Alasannya

Hanya 7 orang daripada 100 orang responden yang tidak bersetuju anak mereka menggunakan bahasa Bugis. Hanya 4 orang responden (4%) mengatakan bahasa ini tidak mempunyai kepentingan. Manakala alasan lain ialah bahasa ini jarang digunakan, tidak difahami oleh semua orang dan semua urusan memerlukan bahasa Melayu. Responden yang memberikan alasan tersebut masing-masing hanya seorang sahaja (1%). Secara keseluruhannya data menunjukkan bilangan responden yang tidak bersetuju menggunakan bahasa Bugis adalah sedikit jumlahnya (Sila rujuk Jadual 4.25).

Jadual 4.25 : Tidak Bersetuju Menggunakan Bahasa Bugis dan Alasannya

Tidak, Kerana	Jumlah Responden	Bil	Peratus
Tiada kepentingan	100	4	4
Tidak di fahami oleh semua orang	100	1	1
Bahasa ini jarang di gunakan	100	1	1
Semua urusan memerlukan bahasa Melayu	100	1	1
Jumlah	100	7	7


4.7.8 Perkahwinan Campur

Responden juga diminta memberikan pandangan mereka mengenai perkahwinan campur. Dalam kumpulan umur 70-89, tidak ada responden yang menyokong kahwin campur. Responden yang tidak menyokong adalah seramai 40% berbanding yang tidak kisah 60%. Manakala dalam kumpulan umur 50-69, responden yang menyokong seramai 46.7%, responden yang tidak menyokong menurun kepada 20% dan responden yang tidak kisah seramai 33.3%. Bagi kumpulan umur 30-49 tidak ada responden yang tidak menyokong perkahwinan campur, 53.3% responden menyokong dan 46.7% responden mengatakan tidak kisah. Seterusnya dalam kumpulan umur 13-29, seramai 20% responden yang menyokong kahwin campur dan selebihnya 80% responden mengatakan tidak kisah. Ini menunjukkan masih terdapat generasi yang lebih tua yang mahukan anak atau cucu mereka berkahwin sesama etnik supaya bahasa dan budaya Bugis masih dapat dipelihara dan dipertahankan. Bagaimanapun generasi yang lebih muda lebih mengatakan tidak kisah atau lebih baik kahwin campur supaya dapat mengembangkan persaudaraan dan bergaul dengan komuniti yang lain (Sila lihat Jadual 4.26 dan Rajah 4.16).

Jadual 4.26 : Kahwin Campur

	Kahwin Campur			Jumlah	
	Menyokong	Tidak Menyokong	Tidak Kisah		
Umur	70-89	0 .0%	4 40.0%	6 60.0%	10 100.0%
	50-69	14 46.7%	6 20.0%	10 33.3%	30 100.0%
	30-49	16 53.3%	0 .0%	14 46.7%	30 100.0%
	13-29	6 20.0%	0 .0%	24 80.0%	30 100.0%
Jumlah	36 36.0%	10 10.0%	54 54.0%	100 100.0%	

Rajah 4.16 : Kahwin Campur



4.8 Keputusan dan Analisis Data 20 orang etnik Bugis yang menetap di Kuala Lumpur


4.8.1 Bahasa Pertama Responden

Ketiga-tiga responden dalam kumpulan umur 50-69 (100%) masing-masing menggunakan bahasa Bugis sebagai bahasa pertama kerana ibu bapa dan datuk nenek mereka masih menggunakan bahasa Bugis dalam kehidupan seharian mereka. Bagi kumpulan umur 30-49, 3 orang responden menggunakan bahasa Melayu dan 7 orang responden menggunakan bahasa Bugis sebagai bahasa pertama. Manakala bagi kumpulan umur 13-29, 5 orang responden yang merupakan pelajar dan dilahirkan serta dibesarkan di Kuala Lumpur menyatakan bahawa bahasa pertama mereka adalah bahasa Melayu. Walaubagaimanapun 2 orang responden yang dilahirkan dan dibesarkan di KPK tetapi sekarang ini bekerja di Kuala Lumpur menyatakan bahasa Bugis adalah bahasa pertama mereka (Sila rujuk Jadual 4.27 dan Rajah 4.17).

Jadual 4.27 : Bahasa Pertama Responden

Umur	Bahasa Pertama		Jumlah
	B.Melayu	B.Bugis	
50-69	0 0%	3 100%	3 100%
30-49	3 30%	7 70%	10 100%
13-29	5 71.42%	2 28.57%	7 100%
Jumlah	8 40%	12 60%	20 100%

Rajah 4.17 : Bahasa Pertama Responden



4.9 Penggunaan Bahasa di domain Rumah

4.9.1 Bahasa Pertuturan Di Rumah Dengan Suami-isteri


Bagi kategori umur 50-69, ketiga-tiga responden yang mempunyai pasangan Bugis menggunakan kedua-dua bahasa iaitu bahasa Melayu dan bahasa Bugis apabila berkomunikasi di rumah. Bagi kategori umur 30-49, 7 orang responden berkomunikasi dalam bahasa Melayu dengan pasangan masing-masing di mana pasangan masing-masing adalah orang Melayu dan 3 orang responden yang berkahwin sesama etnik Bugis

menggunakan bahasa Melayu dan Bugis apabila berkomunikasi. Dalam kategori umur 13-29 pula, 4 orang responden kesemuanya menggunakan bahasa Melayu dengan pasangan masing-masing walaupun ada 2 pasangan yang berkahwin sesama etnik Bugis (Sila rujuk Jadual 4.28 dan Rajah 4.18).

Jadual 4.28 : Bahasa Pertuturan Di Rumah Dengan Suami-isteri

Umur	Bahasa Pertuturan di Rumah dengan Suami-isteri		Jumlah
	B.Melayu	B. Melayu + B.Bugis	
50-69	0 0%	3 100%	3 100%
30-49	7 70%	3 30%	10 100%
13-29	4 100%	0 0%	4 100%
Jumlah	11 64.70%	6 35.30%	17 100%

Rajah 4.18 : Bahasa Pertuturan Di Rumah Dengan Suami-isteri




4.9.2 Bahasa Pertuturan Di Rumah Dengan Anak-anak

2 orang responden dari kumpulan umur pertama berkomunikasi dalam bahasa Melayu dengan anak-anak mereka dan seorang daripada mereka berkomunikasi dalam bahasa Melayu dan bahasa Bugis, walaupun pasangan adalah sesama etnik Bugis. Dalam kumpulan umur 30-49, 9 orang menggunakan bahasa Melayu dan seorang sahaja responden yang menggunakan bahasa Melayu dan Bugis dengan anak-anak mereka. Keempat-empat responden yang sudah berkahwin dan mempunyai anak menggunakan bahasa Melayu dengan anak mereka (Sila rujuk Jadual 4.29 dan Rajah 4.19).

Jadual 4.29 : Bahasa Pertuturan Di Rumah Dengan Anak-anak

Umur	Bahasa Pertuturan di Rumah dengan Anak-anak		Jumlah
	B.Melayu	B. Melayu + B.Bugis	
50-69	2 66.66%	1 33.34%	3 100%
30-49	9 90%	1 10%	10 100%
13-29	4 100%	0 0%	4 100%
Jumlah	15 88.23%	2 11.77%	17 100%

Rajah 4.19 : Bahasa Pertuturan Di Rumah Dengan Anak-anak




4.9.3 Bahasa Pertuturan Di Rumah Dengan Ibu bapa

Ketiga-tiga responden daripada kumpulan pertama menggunakan bahasa Melayu dan Bugis apabila berkomunikasi dengan ibu bapa kerana ibu bapa mereka boleh bertutur kedua-dua bahasa. Bagi kumpulan umur 30-49, 3 orang responden menggunakan bahasa Melayu dan 7 orang responden menggunakan kedua-dua bahasa kerana ibu bapa mereka adalah dwibahasa. Bagi kumpulan umur 13-29, kesemua responden berkomunikasi menggunakan bahasa Melayu dengan ibu bapa mereka (Sila rujuk Jadual dan 4.30 Rajah 4.20).

Jadual 4.30 : Bahasa Pertuturan Di Rumah Dengan Ibu bapa

Umur	Bahasa Pertuturan di Rumah dengan Ibu bapa		Jumlah
	B.Melayu	B. Melayu + B.Bugis	
50-69	0 0%	3 100%	3 100%
30-49	3 30%	7 70%	10 100%
13-29	7 100%	0 0%	7 100%
Jumlah	10 50%	10 50%	20 100%

Rajah 4.20 :Bahasa Pertuturan Di Rumah Dengan Ibu bapa




4.9.4 Bahasa Pertuturan Di rumah dengan Datuk Nenek

Ketiga-tiga responden kumpulan pertama sudah tidak mempunyai datuk dan nenek. Bagi kumpulan umur 30-49, 2 orang responden yang masih mempunyai nenek di kampung menggunakan bahasa Bugis kerana nenek mereka tidak begitu fasih menggunakan bahasa Melayu. Ketujuh-tujuh responden yang mempunyai datuk nenek di kampung menggunakan bahasa Melayu dengan datuk dan nenek mereka kerana sudah tidak tahu bertutur dalam bahasa Bugis (Sila rujuk Jadual 4.31 dan Rajah 4.21).

Jadual 4.31 : Bahasa Pertuturan Di rumah dengan Datuk Nenek

Umur	Bahasa Pertuturan di Rumah dengan Datuk nenek			Jumlah
	B.Melayu	B. Melayu + B.Bugis	B. Bugis	
50-69	0 0%	0 0%	0 0%	0 0%
30-49	0 0%	0 0%	2 100%	2 100%
13-29	7 100%	0 0%	0 0%	7 100%
Jumlah	7 77.77%	0 0%	2 22.23%	9 100%

Rajah 4.21 : Bahasa Pertuturan Di rumah Dengan Datuk Nenek




4.9.5 Bahasa Pertuturan Dengan Ibu atau Bapa Saudara

Ketiga-tiga responden daripada kumpulan umur pertama menggunakan bahasa Melayu dan Bugis apabila berkomunikasi dengan ibu atau bapa saudara mereka kerana ibu bapa saudara mereka boleh berkomunikasi dalam kedua-dua bahasa. Bagi kumpulan umur 30-49, 8 orang responden berkomunikasi dalam bahasa Melayu dan 2 orang sahaja yang berkomunikasi menggunakan kedua-dua bahasa. Bagi kumpulan umur 13-29, kesemua responden menggunakan bahasa Melayu (100%) dengan ibu bapa saudara mereka (Sila rujuk Jadual 4.32 dan Rajah 4.22).

Jadual 4.32 : Bahasa Pertuturan Dengan Ibu atau Bapa Saudara

Umur	Bahasa Pertuturan di Rumah dengan Ibu / Bapa Saudara			Jumlah
	B.Melayu	B. Melayu + B.Bugis	B. Bugis	
50-69	0 0%	3 100%	0 0%	3 100%
30-49	8 80%	2 20%	0 0%	10 100%
13-29	7 100%	0 0%	0 0%	7 100%
Jumlah	15 75%	5 25%	0 0%	20 100%

Rajah 4.22 : Bahasa Pertuturan Dengan Ibu atau Bapa Saudara



4.10 Penggunaan Bahasa di domain Pekerjaan

100% responden menggunakan bahasa Melayu sebagai bahasa yang dominan di domain pekerjaan .

4.11 Pengurangan Penggunaan bahasa Bugis dalam Fungsi Bahasa yang Spesifik

4.11.1 Bahasa Ketika Berdoa

100% responden mengatakan bahasa yang digunakan apabila menunaikan sembahyang adalah bahasa Arab. Begitu juga dengan bacaan doa selepas sembahyang ataupun doa harian seperti doa sebelum makan, doa sebelum memulakan sesuatu pekerjaan, doa sebelum tidur, doa menaiki kenderaan dan lain-lain semuanya menggunakan bahasa Arab.

4.11.2 Bahasa Ketika Marah


Seorang responden dari kumpulan pertama menggunakan bahasa Melayu ketika marah dan 2 orang mengatakan apabila mereka marah dengan pasangan mereka, mereka lebih suka

menggunakan bahasa Bugis kerana anak mereka tidak berapa memahami tetapi mereka menggunakan bahasa Melayu dan Bugis apabila memarahi anak-anak mereka. Bagi kumpulan umur 30-49, 7 orang menggunakan bahasa Melayu ketika marah dan 3 orang menggunakan bahasa Melayu dan Bugis. Bagi kumpulan umur 13-29 kesemua responden marah menggunakan bahasa Melayu (Sila rujuk Jadual 4.33 dan Rajah 4.23).

Jadual 4.33 : Bahasa Ketika Marah

Umur	Bahasa Ketika Marah		Jumlah
	B.Melayu	B. Melayu + B.Bugis	
50-69	1 33.33%	2 66.67%	3 100%
30-49	7 70%	3 30%	10 100%
13-29	7 100%	0 0%	7 100%
Jumlah	15 75%	5 25%	20 100%

Rajah 4.23 : Bahasa Ketika Marah




4.11.3 Menyatakan Sayang

Seorang responden daripada kumpulan umur 50-69 menyatakan sayang menggunakan bahasa Melayu dan 2 orang responden menggunakan bahasa Melayu atau Bugis kepada pasangan mereka atau anak-anak mereka. Bagi kumpulan umur 30-49, 6 orang responden lebih suka menyatakan sayang menggunakan bahasa Melayu dan 4 orang daripada mereka menggunakan bahasa Melayu atau bahasa Inggeris apabila menyatakan sayang. Bagi kumpulan umur 13-29, 3 orang menyatakan sayang menggunakan bahasa Melayu manakala 4 orang lagi menyatakan sayang menggunakan bahasa Melayu dan Bahasa Inggeris (Sila rujuk Jadual 4.34 dan Rajah 4.24).

Jadual 4.34 : Menyatakan Sayang

Umur	Menyatakan Sayang			Jumlah
	B.Melayu	B. Melayu + B.Bugis	B. Melayu + B. Inggeris	
50-69	1 33.33%	2 66.67%	0 0%	3 100%
30-49	6 60%	0 0%	4 40%	10 100%
13-29	3 42.85%	0 0%	4 57.15%	7 100%
Jumlah	10 75%	2 25%	8 0%	20 100%

Rajah 4.24 : Menyatakan Sayang




4.11.4 Bahasa Ketika berdoa Dalam hati

Dalam kumpulan umur 50-69, seorang responden mengatakan bahawa dia berdoa di dalam hati menggunakan bahasa Melayu tetapi 2 orang responden menggunakan bahasa Melayu dan Bugis. Dalam kumpulan umur 30-49, 7 orang responden berdoa di dalam hati menggunakan bahasa Melayu dan 3 orang reponden menggunakan bahasa Melayu dan Bugis. Dalam kumpulan umur seterusnya iaitu 13-29, ketujuh-tujuh responden memilih menggunakan bahasa Melayu ketika berdoa di dalam hati (Sila rujuk Jadual 4.35 dan Rajah 4.25)

Jadual 4.35 : Bahasa Ketika Berdoa Dalam Hati

Umur	Bahasa Ketika Berdoa Dalam Hati		Jumlah
	B.Melayu	B. Melayu + B.Bugis	
50-69	1 33.33%	2 66.67%	3 100%
30-49	7 70%	3 30%	10 100%
13-29	7 100%	0 0%	7 100%
Jumlah	15 75%	5 25%	20 100%

Rajah 4.25 : Bahasa Ketika Berdoa Dalam Hati




4.11.5 Bahasa Ketika Berfikir

Dalam kategori umur 50-69, seorang responden berfikir menggunakan bahasa Melayu dan 2 orang lagi responden menggunakan bahasa melayu dan Bugis. Dalam kategori umur 30-49, 7 orang responden menggunakan bahasa Melayu dan 3 orang menggunakan bahasa Melayu dan Bugis ketika berfikir. Seterusnya, kesemua responden iaitu 7 orang berfikir menggunakan bahasa Melayu (Sila rujuk Jadua 4.36 dan Rajah 4.26).

Jadual 4.36 : Bahasa Ketika Berfikir

Umur	Bahasa Ketika Berfikir		Jumlah
	B.Melayu	B. Melayu + B.Bugis	
50-69	1 33.33%	2 66.67%	3 100%
30-49	7 70%	3 30%	10 100%
13-29	7 100%	0 0%	7 100%
Jumlah	15 75%	5 25%	20 100%

Rajah 4.26 : Bahasa Ketika Berfikir



4.12 Tahap Kecekapan Bahasa Bugis

4.12.1 Kebolehan Dalam Membaca dan Menulis Bugis

Penulis mendapati 100% responden sudah tidak boleh membaca dan menulis dalam bahasa Bugis. Ini merupakan kemerosotan yang amat ketara kerana tidak ada seorang pun responden yang mempunyai kemahiran tersebut.

4.12.2 Berbincang Isu Semasa Dalam Bahasa Bugis

Dalam kumpulan umur pertama kesemua responden masih boleh berbincang isu semasa dalam bahasa Bugis. Bagaimanapun, dalam kumpulan umur 30-49, 3 orang responden sahaja yang boleh berbincang isu semasa dalam bahasa Bugis dan tidak ada seorang pun responden (0%) yang boleh berbincang isu semasa dalam bahasa Bugis bagi kumpulan umur 13-29 (Sila rujuk Jadual 4.37).

Jadual 4.37 : Berbincang Isu Semasa Dalam Bahasa Bugis

Umur	Bilangan Responden	Boleh Berbincang Isu Semasa Dalam B. Bugis	Peratus
50-69	3	3	100
30-49	10	3	30
13-29	7	0	0
Jumlah	20	6	30

4.13 Peranan Bahasa Melayu Sebagai Bahasa Pengantar di Sekolah

100% responden iaitu 20 orang responden mengatakan bahawa bahasa Melayu adalah bahasa pengantar semasa mereka bersekolah di sekolah Kebangsaan dan Menengah.

4.14 Bahasa Bugis Adalah Identiti kepada Orang Bugis

Penulis mendapati 100% atau kesemua 20 responden bersetuju mengatakan bahasa Bugis adalah identiti kepada orang Bugis kerana menurut mereka melalui bahasa dan cara pertuturan mereka dikenali sebagai orang Bugis.

4.14.1 Responden Yang Mahu Anak Mereka Belajar dan menggunakan Bahasa Bugis

Bagi kumpulan umur 50-69, kesemua responden bersetuju anak mereka belajar dan berkomunikasi dalam bahasa Bugis. Bagi kumpulan umur 30-49, 7 orang daripada mereka bersetuju tetapi 3 orang tidak bersetuju. Manakala bagi kumpulan umur 13-29, hanya 2 orang responden sahaja yang bersetuju anak mereka belajar dan menggunakan bahasa Bugis dan 5 orang responden tidak bersetuju (Sila rujuk Jadual 4.38).

Jadual 4.38 : Responden Yang Mahu Anak Mereka Belajar dan Menggunakan Bahasa Bugis

Umur	Bilangan Responden	Mahu Anak Mereka Belajar dan Menggunakan Bahasa Bugis	Peratus
50-69	3	3	100
30-49	10	7	21
13-29	7	2	28.57
Jumlah	20	12	60

4.14.2 Alasan Bersetuju Anak Mereka menggunakan Bugis

Berikut adalah alasan mengapa responden bersetuju anak mereka belajar dan menggunakan bahasa Bugis. Terdapat 10 orang responden mengatakan tujuannya adalah untuk berkomunikasi dengan ibu bapa secara lebih berkesan, 8 orang daripada responden mengatakan tujuannya adalah untuk berkomunikasi dengan datuk nenek secara lebih

berkesan. 12 orang daripada responden bersetuju dengan tujuan untuk memahami lebih mendalam tentang keturunan Bugis (Sila rujuk Jadual 4.39).

Jadual 4.39: Alasan Bersetuju Anak Mereka menggunakan Bugis

Alasan	Jumlah Responden	Bil	Peratus
Untuk Berkomunikasi Dengan Ibumama Secara Lebih Berkesan	20	10	50
Untuk Berkomunikasi Dengan Datuk Nenek Secara Lebih Berkesan	20	8	40
Untuk Memahami Sesuatu Keturunan	20	12	60

4.14.3 Bahasa Bugis Berguna

Secara keseluruhannya 12 orang responden daripada 20 bersetuju mengatakan bahasa Bugis adalah bahasa berguna, iaitu ketiga-tiga responden daripada kumpulan 50-69, 7 orang daripada 10 orang responden dalam kumpulan 30-49 dan 2 orang daripada 7 orang responden daripada kumpulan 13-29 (Sila rujuk Jadual 4.40).

Jadual 4.40 : Bahasa Bugis Berguna

Umur	Bilangan Responden	Bersetuju Bahasa Bugis adalah Bahasa Berguna	Peratus
50-69	3	3	100
30-49	10	7	70
13-29	7	2	28.57
Jumlah	20	12	60

4.14.4 Alasan Mengatakan Bahasa Bugis Adalah Bahasa Yang Berguna

Berikut adalah alasan-alasan mereka yang mengatakan bahasa Bugis adalah bahasa yang berguna. 6 orang responden mengatakan bahasa Bugis berguna sebagai alat yang memudahkan mereka berkomunikasi sesama etnik Bugis. 2 orang responden mengatakan bahasa Bugis berguna sebagai identiti kepada orang Bugis. 3 orang responden mengatakan bahasa Bugis adalah alat berkomunikasi dengan etnik Bugis yang tidak tahu menggunakan bahasa Melayu dan seorang responden yang pernah belajar di Indonesia mengatakan ianya amat berguna terutama apabila berada dalam komuniti yang menuturkan bahasa tersebut iaitu apabila berada di Sulawesi (Sila rujuk Jadual 4.41).

Jadual 4.41: Alasan Mengatakan Bahasa Bugis Adalah Bahasa Yang Berguna

Ya, Kerana	Jumlah Responden	Bil	Peratus
Mudah Berkomunikasi Sesama Bugis	20	6	30
Sebagai Identiti orang Bugis	20	2	10
Berkomunikasi dengan orang Bugis yang tidak tahu menggunakan bahasa Melayu	20	3	15
Apabila berada dalam komuniti yang menuturkan bahasa tersebut contohnya apabila berada di Sulawesi	20	1	5
Jumlah	20	12	60

4.14.5 Tidak Bersetuju Menggunakan Bahasa Bugis dan Alasannya

Terdapat 8 orang responden yang tidak bersetuju menggunakan bahasa Bugis. 4 orang responden memberikan alasan penggunaan bahasa Bugis amat terhad iaitu hanya untuk berkomunikasi dengan etnik Bugis terutamanya golongan tua. Menurut mereka, pada masa sekarang kebanyakan etnik Bugis yang tinggal di KPK boleh bertutur bahasa Melayu dan bahasa Bugis. Oleh itu tidak perlu menggunakan bahasa Bugis kerana komuniti Bugis boleh memahami bahasa Melayu. 2 orang responden pula tidak bersetuju menggunakan

bahasa Bugis dengan alasan bahawa bahasa Bugis tidak difahami oleh semua orang di mana hanya etnik Bugis sahaja yang memahami bahasa tersebut. 2 orang responden pula tidak bersetuju menggunakan bahasa Bugis dengan alasan bahasa Bugis ini jarang digunakan (Sila rujuk Jadual 4.42).

Jadual 4.42 : Tidak Bersetuju Menggunakan Bahasa Bugis dan Alasannya

Tidak, Kerana	Jumlah Responden	Bil	Peratus
Penggunaannya terhad.	20	4	20%
Tidak di fahami oleh semua orang	20	2	10%
Bahasa ini jarang di gunakan.	20	2	10%
Jumlah	20	8	40%

4.15 Pemerhatian Terhadap 10 keluarga di Kampung Parit Keroma

Pengkaji membuat pemerhatian di dalam sepuluh rumah yang terdiri daripada sepuluh keluarga. Kesemuanya adalah merupakan jiran tetangga dan saudara-mara terdekat penulis. Penulis bukan sahaja menjadi pemerhati tetapi juga mengambil bahagian di dalam pemerhatian. Semua pemerhatian yang dibuat telah dicatatkan oleh penulis.

Secara keseluruhannya, pemilihan bahasa komuniti Bugis di KPK adalah bergantung kepada umur. Bagi golongan yang berumur 50 tahun ke atas kecenderungan pemilihan kepada bahasa Bugis adalah tinggi. Apabila mereka bertemu sesama mereka, sama ada lelaki dengan lelaki, perempuan dengan perempuan ataupun lelaki dengan perempuan mereka akan berkomunikasi menggunakan bahasa Bugis. Ini adalah untuk memudahkan mereka berkomunikasi dalam bahasa etnik mereka sendiri.

Sekiranya di dalam sesuatu komunikasi itu terdapat golongan yang lebih muda, pertukaran kod akan berlaku kerana golongan yang lebih muda sudah tidak mahir menggunakan

bahasa Bugis. Ada di kalangan mereka hanya memahami dan tidak tahu bertutur dalam bahasa Bugis. Biasanya wujud situasi di mana seorang ibu akan bercakap Bugis dengan anaknya tapi anaknya akan bercakap dalam bahasa Melayu.

Akomodasi juga berlaku apabila ada di kalangan golongan yang lebih tua lebih suka menggunakan bahasa Melayu kepada golongan yang lebih muda supaya komunikasi akan berjalan dengan lebih lancar. Bagi komuniti yang berumur 40 tahun ke bawah mereka lebih memilih bahasa Melayu kerana bagi mereka ini adalah merupakan kebiasaan dan lebih mudah bercakap dalam bahasa Melayu berbanding bahasa Bugis.

4.16 Pemerhatian kepada 4 keluarga yang berasal dari KPK dan sekarang menetap di sekitar Kuala Lumpur

Pengkaji membuat pemerhatian apabila berkunjung ke rumah mereka pada hujung minggu atau berkumpul di rumah salah seorang daripada mereka semasa kenduri atau majlis hari terbuka Hari Raya. Mereka adalah terdiri dari kakak dan saudara-mara pengkaji sendiri. 3 orang daripada mereka berkahwin sesama etnik iaitu dengan sepupu mereka sendiri manakala 7 orang lagi berkahwin dengan orang Melayu. Responden berumur di antara 28 hingga 50.

Di antara pekerjaan responden ialah pengarah Bahagian Pembangunan, pensyarah di politeknik, pensyarah universiti, guru di sekolah menengah dan sekolah kebangsaan dan ada yang bekerja di syarikat swasta.

Dari segi pemerhatian pengkaji, bahasa yang digunakan oleh pasangan suami isteri adalah bahasa Melayu dan bahasa ini juga yang digunakan dengan anak-anak walaupun berkahwin sesama etnik Bugis. Bahasa Bugis hanya digunakan apabila ibu bapa atau ibu bapa saudara

mereka berkunjung sesekali ke rumah mereka. Apabila berjumpa sesama mereka ada juga sesekali mereka menggunakan perkataan Bugis yang tidak difahami oleh orang lain atau anak mereka sendiri. Perkataan Bugis juga digunakan sekiranya perkataan itu tidak wujud dalam bahasa Melayu atau lebih tepat sekiranya disebut dalam bahasa Bugis seperti nama makanan-makanan tradisional, acara-acara kebudayaan dan keagamaan. Secara keseluruhannya penggunaan bahasa Melayu sepenuhnya digunakan.

Contoh rakaman perbualan yang diambil ketika pemerhatian dibuat di rumah kakak penulis untuk menunjukkan pengalihan kod.

Contoh 1 :

Pengkaji: Oh! Sekarang ni budak-budak cuti ya?

Kakak pengkaji : Ya, cuti .

Pengkaji: Rehatlah sikit ya, budak-budak ada.

Kakak pengkaji: Tidak juga, budak-budak ni *metindro mi falonna*.(Asyik tidur saja)

Contoh 2:

Pn. A : *Aga kareba?*(Apa khabar?)

Pn B: *Kareba madeceng?* (Khabar baik). Ah,
jemputlah masuk.

Contoh 3:

Pn. R: Siapa yang *Mendrek Tojang?*(Kenduri Naik Buai)?

Pn S : Anak Siti.

Pn. R: Nak buat apa ni?

Pn. S : Biasalah buat "*sokkok onyit*"(pulut kuning),*"*baleh buta*", *"*lepek-lepek*", *"*beppa loppo*". (*makanan yang disediakan khas untuk upacara Kenduri Naik Buai bayi yang baru dilahirkan iaitu pulut kuning dan lain-lain).

Pn R: Ada buat *"*baulu fecak*" tak? Dah lama tak makan.

Pn. S: Ada.

* kuih tradisional Bugis iaitu kek span yang direndam dengan gula hangus

Apabila berjumpa di domain pekerjaan responden lebih suka menggunakan bahasa Melayu. Walaubagaimanapun 7 orang responden masih boleh bertutur dengan lancar dalam bahasa ibunda tetapi 3 orang lagi tidak boleh bertutur dalam bahasa Bugis walaupun masih memahaminya. Contohnya, apabila 7 orang responden ini pulang ke kampung dan

berinteraksi dengan ibu bapa dan saudara-mara mereka memilih menggunakan bahasa Bugis.

Kesemua anak responden sudah beralih ke bahasa Melayu. Penggunaan bahasa Bugis amat terhad sekali kerana semua urusan adalah menggunakan bahasa Melayu.

4.17 Perbandingan di antara Responden yang tinggal di kampung dengan Responden yang tinggal di Kuala Lumpur

Responden yang tinggal di KPK masih berpeluang untuk menggunakan bahasa Bugis secara lebih meluas kerana tinggal di dalam satu komuniti yang majoritinya Bugis berbanding responden yang tinggal di Kuala Lumpur yang terlalu terhad penggunaan bahasa Bugis mereka.

Bahasa Bugis lebih cenderung digunakan oleh generasi yang lebih tua apabila berjumpa atau berkumpul sekiranya adanya majlis perkahwinan, kenduri doa selamat, kenduri naik buai, majlis keagamaan seperti Maulidul Rasul dan Isra' Mikraj. Ini berdasarkan pemerhatian penulis di KPK. Di kampung, bagi keluarga yang mempunyai datuk dan nenek di rumah, cucu mereka masih memahami dan boleh bertutur dalam bahasa Bugis berbanding keluarga yang tiada datuk dan nenek di rumah. Bagi responden yang sudah menetap di Kuala Lumpur penggunaan bahasa Bugis mereka amat terhad. Mereka hanya berpeluang bercakap Bugis apabila berjumpa sesama Bugis di rumah salah seorang dari mereka ataupun apabila pulang ke kampung.

Boleh dikatakan kesemua anak-anak responden yang tinggal di Kuala Lumpur sudah beralih bahasa ke bahasa Melayu kerana ibu bapa mereka sudah tidak menggunakan bahasa Bugis di rumah. Ini berlaku juga kepada anak pasangan yang berkahwin sesama etnik kerana merasakan keperluan dan kepentingan terhadap bahasa Melayu dan bahasa Inggeris berbanding bahasa Bugis. Perkara ini juga berlaku di kampung di mana generasi muda sudah tidak tahu bertutur dalam bahasa Bugis walaupun ada segelintir ibu bapa yang merasakan perlu mengajar dan menggunakan bahasa Bugis sebagai warisan bangsa supaya tidak kehilangan bahasa ibunda mereka.

4.18 Punca-punca Pemilihan Bahasa di Kalangan Komuniti Bugis

4.18.1 Etnolinguistik Vitaliti /Umur

Penulis mendapati responden yang berusia 70-89 tahun lebih mempunyai kesetiaan yang tinggi kepada bahasa Bugis kerana mereka lebih suka menggunakan bahasa Bugis apabila berkomunikasi sesama mereka iaitu apabila berjumpa di rumah, di surau dan di kedai. Mereka merasakan bahawa bahasa Bugis adalah identiti mereka dan mereka tidak merasa malu jika dikenali sebagai orang Bugis. Responden 50-69 tahun adakalanya memilih menggunakan bahasa Bugis sepenuhnya tetapi ada juga yang menggunakan dwi-bahasa atau pertukaran kod. (Rujuk 5.2).

4.18.2 Sikap terhadap bahasa Bugis

Komuniti Bugis mempunyai sikap positif terhadap bahasa mereka dan mereka bangga untuk menyatakan mereka adalah orang Bugis. Mereka menyatakan bahawa bahasa Bugis adalah identiti mereka. Ini dapat dibuktikan berdasarkan jadual 4.19 di mana hampir 100% responden menyatakan bahasa Bugis adalah identiti kepada orang Bugis. Begitu juga dengan jadual 4.20 yang menunjukkan responden yang mahu anak mereka belajar bahasa

Bugis di mana jumlah peratus yang hampir 90% ke 100% bersetuju anak mereka belajar bahasa Bugis. Walaubagaimanapun jika dirujuk kepada jadual 4.3, di kalangan ibu bapa berumur 70-89, didapati 70% daripada responden menggunakan bahasa Bugis dengan anak-anak. Manakala ibu bapa yang berumur 50-69 hanya seramai 14.3% sahaja yang menggunakan bahasa Bugis dengan anak-anak tetapi mereka lebih cenderung menggunakan dwi-bahasa iaitu bahasa Bugis dan Melayu dengan anak-anak (67.9%). Di kalangan ibu bapa berumur 30-49 pula, hanya 3.6% menggunakan bahasa Bugis dengan anak-anak dan 17.9% responden menggunakan bahasa Bugis dan Melayu. Bagi ibu bapa yang berumur 13-29, didapati tiada responden di kalangan mereka yang menggunakan bahasa Bugis ataupun dwibahasa dengan anak-anak, 100% responden adalah menggunakan bahasa Melayu.

Ini menunjukkan bahawa walaupun komuniti Bugis menyatakan sikap mereka terhadap identiti bugis iaitu bahasa Bugis adalah identiti kepada orang Bugis tetapi sebenarnya tidak sama dari segi perlakuan mereka. Ini kerana mereka lebih suka menggunakan bahasa Melayu apabila berkomunikasi dengan anak-anak dan tiada sebarang inisiatif untuk mengajarkan bahasa Bugis kepada anak-anak mereka.

4.18.3 Pengaruh Penggunaan Bahasa Melayu dan bahasa Inggeris

Tidak dapat dinafikan pengaruh penggunaan bahasa Melayu sebagai bahasa kebangsaan dan bahasa rasmi negara mengakibatkan peralihan penggunaan kepada bahasa Melayu. Ini adalah kerana bahasa Melayu adalah penting untuk tujuan pendidikan dan pekerjaan berbanding bahasa Bugis yang hanya digunakan sebagai alat komunikasi dalam komuniti Bugis sahaja. Begitu juga dengan kepentingan bahasa Inggeris sebagai bahasa globalisasi yang memerlukan semua orang menguasai bahasa ini untuk berjaya di dalam bidang pendidikan, pekerjaan dan bersaing di dunia global.

Sebagai contoh penggunaan bahasa Melayu dan bahasa Inggeris dalam pengucapan sayang bagi generasi muda di Kuala Lumpur meningkat kepada 57.15% bagi kumpulan umur 13-29 tahun berbanding 0% bagi kumpulan umur 50-69 tahun. Ini menunjukkan pendedahan yang lebih meluas kepada penggunaan bahasa Inggeris kepada generasi yang lebih muda berbanding dengan generasi yang lebih tua.

Walaupun bagaimanapun, penggunaan bahasa Inggeris untuk menyatakan sayang dikatakan mempunyai kaitan dengan fungsi metaforik. Sebagaimana menurut Gumperz, di dalam Li Wei (1994:15) pertukaran kod seperti ini iaitu melafazkan pernyataan sayang dengan menggunakan bahasa lain adalah berkaitan dengan fungsi Metaforik iaitu simbolik kepada hubungan peribadi. Menurut beliau:

‘Metaphorical code-switching as symbolic of alternative interpersonal relationship’ (Li Wei, 1994:15)

4.18.4 Lakuan Identiti

Walaupun komuniti Bugis berbangga mengatakan mereka adalah dari keturunan etnik Bugis tetapi untuk diserapkan di dalam komuniti yang menggunakan bahasa Melayu sepenuhnya dalam semua urusan mereka terpaksa memilih menggunakan bahasa Melayu supaya boleh diterima di dalam masyarakat .

4.18.5 Usaha dan motivasi ibu bapa terhadap penggunaan dan kecekapan

bahasa anak-anak

Ibu bapa generasi tua mempunyai motivasi yang tinggi terhadap penggunaan bahasa Bugis di mana mereka akan berkomunikasi dalam bahasa Bugis dan menggalakkan anak-anak menggunakan bahasa Bugis dengan alasan supaya bahasa Bugis tidak dilupakan. Ini

dibuktikan berdasarkan jadual 4.1 di mana penurunan bahasa pertama responden kategori umur 13-29 yang menunjukkan 93.3% responden menggunakan bahasa Melayu sebagai bahasa pertama berbanding dalam kategori umur 30-49 menunjukkan 96.7% responden menggunakan bahasa Bugis sebagai bahasa pertama. Ini menunjukkan kurangnya usaha dan motivasi ibu bapa terhadap penggunaan bahasa Bugis yang menggalakkan peralihan kepada bahasa Melayu.

4.19 Kesimpulan

Secara keseluruhannya pemilihan bahasa oleh komuniti Bugis menunjukkan perluasan dwi bahasa (bahasa Bugis dan Melayu) dan pertukaran kod di kalangan generasi tua dan peralihan bahasa di kalangan generasi muda.